



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 34. Clementis XI. Pontificis oppositio contra Ernesti Augusti Brunsvico -
Luneburgensis Ducis electionem in Osnabrugensem Episcopum.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. vem domus Heber, de punctis Hebræorum, Genesin linguæ sacræ, trutinam religionum præter alia. IX. Nicolaus Haus elucubravit disputationem de Astrologia judiciaria, Bibliâ cum notis, & alia quædam Ascetica. X. Joannes Georgius Roeser vulgavit disputationes de obligatione hominis ad se conservandum, de ritibus antiquis Ecclesiæ Christianæ in precibus publicis, de thronis Ecclesiasticis, de throno Dei, de Physica ad Deum manudente, de lege naturali, de officio hominum erga seipsum, de officio eorum, qui læserunt, & læsi sunt, de æqualitate & inæqualitate hominum, de præceptis Noachitarum, & de officio hominis erga animam, Institutiones morales, & alia plura varii argumenti opuscula.

§. XXXIV.

Clementis XI. Pontificis oppositio contra Ernesti Augusti Brunsvico-Luneburgensis Ducis electionem in Osnabrugensem Episcopum.

Bull. Magn. Clem. XI. Part. II. pag. 239. Postquam Carolus a Lotharingia Osnabrugensis Episcopus anno prioris e vivis, excefferat, Capitulum & Canonici

nonici præfixa die ad novi Episcopi electionem processerunt, cumque juxta Pacis Westphaliæ pacta mortuo Episcopo Catholico ex Acatholicis Luneburgensis familiæ Principibus unus subrogari deberet, cælesti ad hanc electionem S. Spiritus ope sacrilege, ut agebat Pontifex, invocata, unanimi suffragio Ernestum Augustum Brunsvico-Luneburgensem Ducem in Episcopum postularunt, moxque illius postulationem solemni ritu, in SS. Triadis nomine promulgarunt, actis demum Deo gratiis, & decantato Hymno Ambrosiano. Hanc electionem Clemens Pontifex, vestigiis suorum Prædecessorum, qui Pacem Westphalicam saltem protestando enervare nituntur, insistens, Germaniæ concordatis, S. Conciliis, Apostolicis Constitutionibus, imò & ipsius Catholicæ Religionis principiis aperte refragari, cunctaque manifeste nulla absque alia declaratione, esse edixit, & Canonicos ad tanti facinoris iniquitatem obtegendam hæud causari posse censuit, *sibi & Ecclesiæ ceteroqui impendentium malorum timorem, eoquod in illorum cordibus fervere debuisset charitas Christi, quæ foras mittit timorem, & si quid timendum fuisset, unice timere debuissent, ne apud Deum, & homines jure redargui possent Ecclesiæ*

Sæc. XVIII.
A. C. 1716.

Vid. supra
pag. 134.

L 2

digni-

Sæc. XVIII. dignitati, loco, & honori suo, ac debita
 A. C. 1716. sacris legibus reverentiæ turpiter deſuisse.

Eapropter Pontifex die decima septima
 Decembris hujus Ducis electionem ipſo
 jure nullam, cunctaque inde ſecuta &
 ſecutura omnino irrita fore, & Osnab-
 rugenſem Eccleſiam, ſicut prius, va-
 cantem declaravit, ac præterea Hiero-
 nymo Tarſenſi Archiepiſcopo ſacra
 Sedis Nuntio injunxit, ut præſato Ca-
 pitulo & Canonicis Osnabrugenſis Ec-
 cleſiæ incunſtanter denuntiet, eos pro-
 pterea incidiffe in cenſuras & pœnas
 a Sacris Canonibus, & Apoſtolicis Con-
 ſtitutionibus contra talia perpetrantes
 inflictas, proin illos ſerio moneat, ut
 propriæ conſcientiæ ſecuritati quam
 primum conſulant. Id quidem ſi fece-
 rint, ſuoque agnito exceſſu veræ pen-
 nitentiæ ſigna oſtenderint, Nos, pro-
 ſequebatur Pontifex, juxta ejuſdem Sa-
 dis morem, quæ tanquam pia Mater re-
 currentibus poſt lapſum cum humilitate ſu-
 liis ſe propitiã exhibere ſolet, & benig-
 nam, eidem Hieronymo Archiepiſcopo &
 Nuntio per ipſas præſentes committimus,
 & mandamus, ut quoſcunque ex illis
 qui eadem præmiſſa peregerunt, vel aliam
 in eis quovis modo culpabiles fuerunt, ab
 ſe recurrentes, ac de præmiſſis hujusmodi
 dolentes, ſi hoc ab illo humiliter petie-
 rint, & facta prius per eos declaratione,
 quod

quod ipsi presentibus literis ac omnibus Sæc. XVIII.
 & singulis, quæ in illis continentur, ple- A. C. 1716.
 na, & sincera ac debita obedientia, in
 omnibus & per omnia se submittunt, nec
 non facta itidem promissione, quod in fu-
 turum a similibus abstinebunt, & quic-
 quid eis ulterius præscriptum aut injun-
 ctum fuerit, priusquam infra scriptæ ab-
 solutionis beneficium obtineant, observa-
 bunt, & adimplebunt, a censuris & pœ-
 nis Ecclesiasticis quibuslibet, quas propterea
 quovis modo incurrerunt, seu incurrisse
 censeri possent, injuncta cuique pro modo
 culpæ pœnitentia salutari, & aliis, quæ
 de jure fuerint inj. genda, similiter in-
 junctis, in utroque foro auctoritate no-
 stra Apostolica absolvat, & totaliter li-
 beret, dictasque pœnas eis, & eorum cui-
 libet gratiose remittat, & cum eis super
 irregularitate per eos, qui a censuris hu-
 jusmodi innodati Missas seu alia Divina
 Officia (non tamen in contemptum Cla-
 vium) forsitan celebrarunt, seu alias in
 suis Ordinibus ministrarunt, quomodolibet
 contracta dispenset, ipsosque ad famam,
 gradus, dignitates, necnon beneficia &
 Officia Ecclesiastica quæcunque reha-
 bilitet, & plenarie redintegret. Nos
 enim quamcunque necessariam ad hæc fa-
 cultatem eidem Hieronymo Nuntio nostro
 tribuimus, & impertimur &c.

Sæc. XVIII.

A. C. 1716.

Verum Pontifex facilius ex Romana specula e longinquo censuras vibrare, & ad pœnitentiam calamo hortari poterat, quam Canonici solemnes & autoritate publica firmatas pacis leges in Germania impune transgredi. Postquam igitur hæc Pontificis sententia per Nuntium Pontificium fuit intimata, quidam Canonici, ut sacræ Sedis obtemperarent, nullique A catholicis offensionem essent, a censuris absolvi petierunt: Præfatus igitur Nuntius hanc facultatem sibi a Papa concessam demandavit Hyacinto Petit Episcopo Heliopolitano Ordinis Carmelitarum Ecclesiæ Osnabrugensis Suffraganeo, qui duodecim ex præfatis Canonici in genua provolutos anno hujus sæculi decimo octavo non modo a censuris, pœnisque Ecclesiasticis sigillatim exempt, sed etiam in irregularitate dispensavit, eosque ad famam, gradus, dignitates & quæcunque Officia Ecclesiastica restituit, singulis quoque in pœnitentiam injunxit, ut decem Imperiales in pauperes erogarent. Sequenti anno alii adhuc duo illius Ecclesiæ Canonici eodem modo Ecclesiæ communioni restituebantur.